

Ciet Cuengqdaeng Vuengzyauz

□ Maj Veiyungz comz hoiz



▲ Ngoenzciet, gyonglaz gyukgyad sing bauq haprwenz.

◀ Vunzlai ndwn youq henz dah gwnz giuz yawj daeng' va.



▲ Vunzlai angq yawj daeng' va caemh nyaengq cai daengduenz.



▲ Daeng' va naeng makbug vaij gvaq gyang dah.



▲ Dahniq guh daeng' va dem angqyangz.

Youq moix bi liggaueq caet nyied cibseiq, cibngux, gyoengqvunz Hawgaeuq Vuengzyauz Hocouh cungj gag youq Dahyauzgyangh banh aen hozdung cuengq daengmakbug ndeu, mbaenj gouz fwn raemx ndaej yinz, biengz dingh vunz onj.

Baih saebaek Vuengzyauz bya sangvid lingqlauq de, Dahyauzgyangh couhdwg daj gizhaenx daeuj lo. Seizfwn daeuj daengz ni, raemxrongz caemh daeuj lo, ciengzseiz miz ranz doemq, doenghduz caeuq vunz daimboet daengj, gyoengqde couh

nyinhnaeuz dwg gij fangzbaed ndaw dah loengh okdaeuj. Yienghneix, youq liggaueq caet nyied cibseiq, cibngux doengxhaemh, gyoengqde couh cuengq daengmakbug daeuj caeqbaiq goengsaenz ndaw dah. Daengmakbug couhdwg gat caengz naeng gyauejgaenq makbug okdaeuj bae, youh youq gwnz makbug baek yieng lab, sam aen makbug guh aen cuj ndeu, caiq aeu faexcuk saeq doxdam baenz samgak, aeu cag cuj ndeu cuj ndeu cug roix hwnjdaeuj, couh bienqbaenz duz lungzgim miz ngeihcib geij mej raez lo.

Hozdung haindung, gij vunz dangdieg caeuq vunzhek cungj doxciengj youq gwnz naeng makbug baek yieng baek lab. Gij daengmakbug couh youq Dahyauzgyangh riengz raemxdah lae baeyekyek, seizneix sing bauq yiengbibaba, sing gyong roqdumdum, henz dah hix miz haujlai vunz humx yawj. Gij ruz vaij youq baihnaj haenx dwg doih roq

gyong caeuq boq yozgi, gyoengqde aeu loxlez boq gij go angqyangz haenx, youq gwnz dah youzyekyek. Gij ruz riengz youq doeklaeng cix dwg doih loengh saeceij, gyoengq lwgmbauq riengz sing gyong bae doengh foux aen'gyaeuj saeceij, vih gij minzsug hozdung Vuengzyauz dem le deihsueng daegsaek. Aen'gyaeuj daengmakbug miz aen "daeuzdaeng" ndeu, de dwg aeu faexcuk caeuq benjfaex ma guh baenz, aeu ceij haj saek ma biujnem hwnjdaeuj. Daengmakbug lae daengz gizlawz, gij vunz henz dah couh cit bauq bae ciepe de. Gwnz mbwn Vuengzyauz deng bauqva ingjrongh dwk ndei yawj dangqmaz, bauqva hix caeuq gij lab yieng gwnz dah ronghmyabmyab haenx doxingj doxdaengh, swnjciep baenz benq ronghlwenq migda ndeu. Dahyauzgyangh deng cang baenz duz lungzgim ronghsagrag haenx, cienfanh aen daeng geiq miz gij hohfuk ndei caeuq maqmuengh vunzlai.

Cuengq daeng hozdung sat le, gyoengq lwgmbauq lwgsau cungj diuq roengz dah bae ciengj aeu gij daengmakbug, ciengj daengz le cix dawz ma ranz bae caeuq vunz ndaw ranz doxfaen, dingqnaeuz bouxlazw gwn le bouxlazw couh "miz lwg", hix ndaej souhyienz.



▲ Ngoenzde, hawgaeuq luengqhongh daeng' va venj doh.



▲ Ruzva rag daeng' va naeng makbug gvaq gyang dah.



▲ Ngoenzciet, cezmuuz biujyienj lai cungj lai yiengh.

► Luengqhongh caeuq gyang dah, daeng' va rongh-yabyab.

